

故宮博物院藏

四庫

全書

撤出本

彙編

第四冊

故宮博物院編
故宮出版社

故宮博物院藏

四庫

全書

撤出本

彙編

第四冊

故宮博物院編
故宮出版社

第四册 目錄

南北史合注卷十九—卷二十七 一

卷十九 三

卷二十 六三

卷二十一 一四一

卷二十二 一八七

卷二十三 二三五

卷二十四 二九一

卷二十五 三六七

卷二十六 四〇五

卷二十七 四七五

欽定四庫全書

史部

南北史合注卷十九

第三分

欽定四庫全書

南北史合注卷十九

明李清撰

南史十九

列傳第八

趙倫之子伯符

蕭思話子惠開

弟子介

惠開從孫琛

臧燾

玄孫嚴

嚴族叔未甄

未甄子盾

厥

燾子盾

惠明子眎素 惠明弟
惠基子洽 惠基弟惠休 惠休

介子允 引

南北史合注

古今圖書集成

趙倫之下邳僮人宋孝穆后弟幼孤貧事母以孝稱宋武起兵累遷雍州刺史及北伐倫之遣順陽太守傅弘之扶風太守沈田子出嶢柳大破秦主姚泓於藍田武帝受命以佐命封霄城縣侯元嘉三年拜領軍將軍倫之雖外戚貴寵而居身儉素性野拙澁於人間世事多所不解久居方伯公私富貴入為護軍資力不稱以為見貶光祿大夫范泰好戲笑謂曰司徒公缺必用汝老奴我不言汝資地所任要是外戚高秩次第所至耳倫

之大喜每載酒肴詣泰五年卒諡元侯子伯符嗣伯符少好弓馬為寧遠將軍總領義徒居宮城北每火起及有劫盜輒身貫甲冑助郡縣赴討武帝甚嘉之文帝即位累遷徐兗二州刺史為政苛暴吏民畏懼如與虎狼居而劫盜遠迸無敢入境元嘉十八徵為領軍將軍先是外監不隸領軍宜相統攝者自有別詔至此始統領焉後為丹陽尹在郡嚴酷曹局不復堪命或委叛被錄投水而死典筆吏取筆失旨頓與五十鞭子倩尚文帝

第四女海鹽公主甚愛重倩嘗因言戲以手擊主事上聞帝怒離婚

宋書曰始興王濬以潘妃寵得出入後宮與主私通及適倩倩入宮而怒肆詈搏擊引絕帳帶有詔離婚殺主所生蔣美人與此不同當以宋書為正

伯符慙懼發病卒諡曰肅傳國至孫勗齊受禪國除蕭思話南蘭陵人宋孝懿后弟子父源之歷徐兗二州刺史思話十許歲未知書好騎屋棟捶細腰鼓侵暴隣

曲莫不患毒之自此折節數年中遂有令譽頗工隸書
善彈琴能騎射武帝一見便許以國器後襲爵封陽縣
侯

宋書曰思話涉獵書傳頗能隸書解音律便弓馬謝
晦為荊州欲請為司馬思話拒之

元嘉中刺史青州時年二十七亡命司馬朗之兄弟聚
黨謀為亂思話遣北海太守蕭汪之討斬之八年魏軍
大至懼乃棄鎮奔平昌已魏軍不至東陽積聚為民所

獲徵繫尚方初在青州常所用銅斗覆在藥厨下忽於斗下得二死雀思話歎曰斗覆雀殞其不祥乎旣而被繫及梁州刺史甄法護在任失和氏帥楊難當因寇漢中乃自徒中起思話為梁南秦二州刺史平漢中悉收侵地置戍葭萌水思話遷鎮南鄭法護中山無極人過江寓居南郡弟法崇自少府為益州刺史法護委鎮之罪為府所收於獄賜死文帝以法崇受任一方命言法護病卒詔思話上定漢中本末下之史官十四年遷臨

川王義慶平西長史南蠻校尉帝賜以弓琴手勅曰前
得此琴言是舊物今以相借并往桑弓一張村理乃快
良材美器宜在盡用之城丈人真無所與讓也嘗從帝
登鍾山北嶺中道有盤石清泉帝使於石上彈琴因賜
以銀鍾酒謂曰相賞有松石間意累遷吏部尚書思話
以去州無復事力倩府軍身九人帝戲之曰丈人終不
為田父閭里何憂無人使邪未拜遷護軍將軍是時魏
攻懸弧帝將大舉北侵朝士僉同思話固諫不從魏軍

退即代孝武為徐兗二州刺史監四州軍後圍碣礮城
不拔退師歷下

宋書曰思話及眾軍至碣礮治三攻遣張永胡景世
當東攻道中坦任仲仁西攻道崔訓南攻道鹵夜從
地道出燒訓樓及募車又燒景世樓及攻具尋又毀
訓攻道城不可拔思話馳來退師攻城凡十八日訓
誅永坦並繫獄

為江夏王義恭所奏免官元凶弒立以為徐兗二州刺

史即起義應孝武

宋書載思話與孝武牋曰近在厯下始奉國諱奉被
今教重增哀惋此實天地所不覆載率土民氓莫不
憤咽況下官蒙荷榮渥義兼常志切齒椎心雖百口
在都一非所顧謹遣輔國將軍申坦龍驤將軍梁坦
二軍分配精甲五千即日水陸齊下下官悉率文武
絡驛繼發憑威策懦勢同振朽開泰有期悲欣交集
孝武即位徵為中書令丹陽尹散騎常侍時都下多劫

掠二旬中十七發引咎陳遜不許後拜郢州刺史加督
督卒贈征西將軍開府儀同三司諡曰穆思話外戚令
早見任待歷十二州仗節監督者九焉所至雖無皎皎
清節亦無穢黷之累愛才好士人多歸之長子惠開少
有風氣涉獵文史家雖貴戚而居服簡素初無秘書郎
意趣與人多不同比肩或三年不共語外祖光祿大夫
沛郡劉成戒之曰汝恩戚家子當緝外內歡無多異以
取天下之疾

宋書載惠開答曰誠如慈旨但不達耿介恥作凡人
畫龍未成遂至多忤耳

轉太子舍人與汝南周朗同官友善以偏奇相尚孝建
元年為黃門侍郎與侍中何偃爭推積射將軍徐沖之
事偃任遇甚隆惠開不為屈怒使門下推彈開開乃上
表解職由此忤旨別勅有司以屬疾多免之思話素恭
謹與惠開不同每加嫌責及見惠開自解表歎曰兒不
幸與周朗周旋理應如此杖之三百尋除中庶子丁父

艱居喪有孝性家素事佛凡為父起四寺南岡下名禪岡寺曲阿舊鄉宅名禪鄉寺京口墓亭名禪亭寺所封封陽縣名禪封寺謂國僚曰封秩鮮而兄弟多若全闕一人則在我所讓若人人等分又事可悲恥寺衆既立自宜悉供僧衆襲封陽縣侯惠開妹當適桂陽王休範女又適適孝武子發遣之資應須二十萬乃以為豫章內史聽其肆意聚納由是著貪暴聲再遷御史中丞孝武與劉秀之詔曰今以蕭惠開為憲司冀當稱職但一